



SLUŽBENE NOVINE GRADA SARAJEVA



SLUŽBENI INFORMATIVNI GLASNIK SKUPŠTINE GRADA SARAJEVA I SKUPŠTINA OPŠTINA: CENTAR SARAJEVO, HADŽIĆI, ILIĐA, ILIJAŠ, NOVI GRAD SARAJEVO, NOVO SARAJEVO, PALE, STARI GRAD SARAJEVO, TRNOVO I VOGOŠĆA

Godina II - Broj 7

Sarajevo, 27. avgust/kolovoz 1993. godine

Za svaki broj
se pojedinačno određuje
cijena

Skupština grada Sarajeva

Predsjedništvo Skupštine grada Sarajeva

Na osnovu člana 3. stav 3. Uredbe sa zakonskom snagom o ustanovama ("Službeni list RBiH", br. 6/92 i 8/93), člana 99. tačka 8. i člana 119. stav 3. Statuta grada Sarajeva - prečišćeni tekst ("Službene novine grada Sarajeva", br. 11/92 i 3/93), Predsjedništvo Skupštine grada Sarajeva, na 113. sjednici održanoj 27. jula 1993. godine, donosi

ODLUKU

O OSNIVANJU JAVNE USTANOVE MES - MEĐUNARODNI TEATARSKI I FILMSKI FESTIVAL SARAJEVO

Član 1.

Za obavljanje kulturnih i umjetničkih djelatnosti na teritoriji grada Sarajeva (u daljem tekstu: Grad) osniva se javna ustanova MES - Međunarodni teatarski i filmski festival Sarajevo.

Član 2.

Javna ustanova MES - Međunarodni teatarski i filmski festival Sarajevo posluje pod nazivom Javna ustanova MES - Međunarodni teatarski i filmski festival - Sarajevo (u daljem tekstu: MES).

Sjedište MES-a je u Sarajevu, Ulica Maršala Tita 54.

Član 3.

MES ima svojstvo pravnog lica

Član 4.

Osnovna djelatnost MES-a je prezentacija i produkcija djela iz oblasti teatra, filma, književnosti, muzike i organizacija drugih kulturnih manifestacija, i to:

- kulturno-umjetničke djelatnosti,
- kulturno-glazbene djelatnosti: dramska, operna, baletna i druge srodne umjetničke djelatnosti, orkestarska, komorna, solistička, instrumentalna, stvaralačka i izvodačka djelatnost,
- ostale kulturno-umjetničke djelatnosti - književno stvaralaštvo, književna kritika, prevodilačka i srodne djelatnosti,

- kinematografija,
- iznajmljivanje i distribucija filmova,
- prikazivanje filmova.

MES ima međunarodni karakter.

Član 5.

MES ne može promijeniti djelatnost iz člana 4. ove odluke bez saglasnosti osnivača.

Član 6.

Osnivački ulog MES-a sastoji se od 10.000 BH dinara.

Član 7.

Izvršni odbor grada Sarajeva daje saglasnost na pravila MES-a, kao i na planove rada i razvoja i godišnji program rada.

Član 8.

Pitanja prava i obaveze između osnivača i MES-a koja nisu regulisani ovom odlukom utvrđuje se ugovorom.

Član 9.

Organ upravljanja u MES-u je Upravni odbor od pet članova.

Dva člana Upravnog odbora imenuju se po pravilu, iz reda stručnih radnika zaposlenih u MES-u.

Predsjednika i članove Upravnog odbora imenuje i razrješava Izvršni odbor grada Sarajeva.

Član 10.

Organ rukovođenja u MES-u je direktor.

Direktora imenuje Upravni odbor na osnovu konkursa, uz saglasnost Izvršnog odbora grada Sarajeva.

Izuzetno, u uslovima neposredne ratne opasnosti ili rata direktora imenuje Izvršni odbor grada Sarajeva.

Direktor ne može biti član Upravnog odbora.

Član 11.

Organ kontrole poslovanja u MES-u je Nadzorni odbor od tri člana.

Predsjednika i članove Nadzornog odbora imenuje i razrješava Izvršni odbor grada Sarajeva.

Najmanje jedan član Nadzornog odbora imenuje se iz reda stručnih radnika zaposlenih u MES-u.

Član 12.

Radnici MES-a ostvaruju svoja prava u skladu sa zakonom, pravilima i kolektivnim ugovorom.

Član 13.

MES će u roku od 60 dana od dana stupanja na snagu ove odluke donijeti pravila MES-a, utvrditi akt o sistematizaciji radnih mjesta i preduzeti druge radnje za početak rada.

Član 14.

Nadzor nad zakonitosti rada MES-a vrši Gradski sekretarijat za obrazovanje, nauku, kulturu i fizičku kulturu.

Član 15.

Ova odluka služi kao osnivački akt na osnovu kojeg će se izvršiti upis u sudski registar po zahtjevu ovlaštenog lica.

Član 16.

Za svoje obaveze MES odgovara svom svojom imovinom - potpuna odgovornost.

Osnivač MES-a je supsidijarno odgovoran za obaveze MES-a.

Član 17.

Stupanjem na snagu ove odluke prestaje da važi Odluka o preciziranju prava osnivača Radne organizacije Festival mladih i eksperimentalnih scena Sarajevo, broj 01-012-70-93-6-93 od 13. aprila 1993. godine.

Član 18.

Ova odluka stupa na snagu danom objavljivanja u "Službenim novinama grada Sarajeva".

Broj 01-012-70-113-1/93 Predsjednik Predsjedništva
27. juli 1993. godine Skupštine grada Sarajeva,
Sarajevo prof. Muhamed Kreševljaković, s.r.

Na osnovu čl. 1. i 2. Zakona o komunalnim taksama ("Službeni list SRBiH", br. 21/77, 35/88 i 26/89) i člana 147. tačke 6. Statuta grada Sarajeva ("Službene novine grada Sarajeva", broj 11/92 - prečišćeni tekst), Predsjedništvo Skupštine grada Sarajeva, na sjednici održanoj 13. jula 1993. godine, donijelo je

ODLUKU

O IZMJENAMA I DOPUNAMA ODLUKE O
KOMUNALNIM TAKSAMA

Član 1.

U Odluci o komunalnim taksama ("Službene novine grada Sarajeva", br. 15/91 i 1/93) dodaje se član 8a koji glasi: "Novčani iznos komunalnih taksi određuje se kroz vrijednost boda koju utvrđuje Skupština grada Sarajeva, a svaka komunalna taksa izražena je u bodovima.

Vrijednost boda iznosi 50.000 BHD".

Član 2.

Tarifa komunalnih taksi mijenja se i glasi:
"TARIFA KOMUNALNIH TAKSA

Tarifni broj 1.

Za držanje muzike u ugostiteljskim objektima, kao i ugostiteljskim objektima društvenog standarda plaća se dnevno:

- | | |
|------------------|-----------|
| a) do 22 sata | 10 bodova |
| b) preko 22 sata | 15 bodova |

Tarifni broj 2.

Za zapremanje trotoara ispred poslovnih prostorija plaća se dnevno po m².

- | | |
|----------------|--------|
| m ² | 2 boda |
|----------------|--------|

NAPOMENA: Po ovom osnovu 55% ostvarenih sredstava usmjeravaju se za izgradnju i održavanje gradskih ulica putem posebnog računa Gradskog putnog fonda.

Tarifni broj 3.

Za držanje sredstava za igru (karte za igru, automati i elektronski uređaji za igru na sreću, bilijar, na ostala sredstva za igru, na aparate koji donose novac, video-igre) plaća se godišnje po jednom komadu, odnosno predmetu:

- | | |
|-------------|-----------|
| a) na karte | 30 bodova |
|-------------|-----------|

- | | |
|---------------------------------|------------|
| b) bilijar | 200 bodova |
| c) video-igre | 200 bodova |
| d) na aparate koji donose novac | 600 bodova |
| e) na ostala sredstva za igru | 200 bodova |

NAPOMENA: 1. Pod aparatima koji donose novac podrazumijevaju se elektronski ili mehanički aparati, koji tokom igre dobitak obračunavaju na ekranu i isplaćuju novac, odnosno protuvrijednost u žetonima koji su naplativi u novcu kao dobitak.

2. Ako se sredstva za igru počnu koristiti u drugom polugodištu, propisana taksa umanjuje se za 50% godišnje takse.

Alternativa: dodaje se tačka 3 kao napomena.

3. Ukoliko je vlasnik sredstava za igru Lutrija BiH, oslobođa se pri plaćanju 50% od navedene komunalne takse.

Tarifni broj 4.

Za istaknutu firmu na poslovnim prostorijama plaća se godišnje, i to:

- | | |
|---|------------|
| 1. Preduzeća | 100 bodova |
| 2. Samostalne zanatske i druge zadruge | 70 bodova |
| 3. Predstavništva i zastaponištva koja imaju sjedište van grada | 140 bodova |
| 4. Skladišta | 70 bodova |
| 5. Prodavnice | 50 bodova |
| 6. Kiosci | 30 bodova |

NAPOMENA: 1. Pod istaknutom firmom podrazumijeva se svako obilježje ili natpis koji označava da određeno pravno ili fizičko lice obavlja izvjesnu djelatnost.

2. Ako se firma istakne u toku prvog polugodišta, plaća se cijeli iznos godišnje takse u roku od 15 dana od dana isticanja firme.

Ukoliko se firma istakne u drugom polugodištu, taksa se plaća u istom roku umanjena za 50%.

Poslovne zone utvrđuju se Odlukom o građevinskom zemljištu ("Službene novine grada Sarajeva", br. 25/87, 3/88, 11/88, 18/89, 17/90 i 21/90).

NAPOMENA:

1. Pod istaknutom firmom podrazumijeva se svako obilježje ili natpis koji označava da određeno pravno ili fizičko lice obavlja izvjesnu djelatnost.

2. Ako se firma istakne, u toku prvog polugodišta, plaća se cijeli iznos godišnje takse u roku od 15 dana od dana isticanja firme. Ukoliko se firma istakne u drugom polugodištu, taksa se plaća u istom roku umanjena za 50%. Promjena poslovanja u toku godine ne utiče na visinu dospjele i naplaćene takse u toj godini.

3. Samostalne zanatlije koje obavljaju djelatnosti koje su odlukom opštine utvrđene kao deficitarne plaćaju 50% od iznosa takse propisane u tački 2. ovog tarifnog broja.

Tarifni broj 5.

Za isticanje objave, oglasa i reklame na javnim mjestima plaća se po komadu, listu ili panou, i to:

- | | |
|--|-----------|
| a) do 30 dana po komadu, listu | 1 bod |
| b) preko 30 dana po komadu, listu | 2 boda |
| c) za postavljanje stalnih panoa na javnoj površini po m ² godišnje | 50 bodova |

NAPOMENA: Po osnovu stava 1. tačke c, 50% ostvarenih sredstava usmjerava se za izgradnju i održavanje gradskih ulica putem posebnog računa Gradskog putnog fonda.

Tarifni broj 6.

Za držanje vitrina radi izlaganja roba van poslovne prostorije plaća se po 1 m² izložbene vitrine godišnje.